

առ ձեռն պատրաստականութիւն զօրավիգն լինել նմա՝ որով
և բերէին կարբ իմ։ Բայց ցայսօր անպատասխանի մնալս իմ
արկանէ զիս յանել խորխորատ տարակուսանաց։

Առ այժմս պարապելով բարւոք ևս մշակութեան ճառի
ինչ՝ խօսեցելոյ յինէն ի հանդիսի պրօֆեսսօրաց համալսա-
րանիս զգլխութենէ Հայոց, գուցէ ընդհուպ յաջողեցայց ի
լոյս արձանացուցանել զայն ի ուսս լեզու, նուիրմամբ վե-
հափառ կաթուղիկոսի մերոյ։ մեռեալ է սիրտ իմ։ Թէև ըս-
կստնիմ արիական հոգւով, այլ պաղեալ եռանդեանն ի կէս
ասպարիսին՝ գօսացուցանէ զձիգն իմ և նահանջէ զյաջողու-
թեամբ կատարածն, ուստի սկզբունք անթիւք և անհամարք,
իսկ վախճան և ոչ մի։

Հանգերձ ողջունիւ իմոյ ցաւած ամուսնոյ առ հայրդ
իմ և բարեկամ

Կամ և մեամ

Ձեր հարազատ

Ս. Նազարեանց։

Մ Ի Դ Ա Ջ Ն

Առմաւ Հօր և հաճութեամբ Որդւոյ, և յօժարութեամբ
Սրբոյ Հոգւոյն, մեք ի Թիֆլիզ եղեալ, երկուց Թէմից սրբոց եկե-
ղեցեաց գործակալքս և Աւագ Բահանայբս, ի մի սիրտ և ի մի
հոգի եղեալ։ զայս Թուղթս միաբանութեան եղաք, ի միջի
մերում դաշինս կուելով առաջի Աստուծոյ, և ամենայն սըր-
բոց նորա, զի յայսմհետէ լիցուք ամենեքեան միաբան և
միախորհուրդ, և ըստ ամենայնի կապեալ ի կողմանէ կանո-
նաց, և խորհրդոց սրբոյ եկեղեցւոյ մերոյ։ Եւ որ ինչ հասի
և չհասի քննութիւն և հարցումն իցէ, ամենայն միաբան
բահանայ պարտ է ազդել Աւագ Բահանային իւրոյ, և Աւագ
բահանայն յայանել ժողովոյս մերում, և մեք հանդերձ Ա-
ռաջնորդովք մերովք, ըստ կանոնաց քննեալ վերահասու լի-
ցուք, և յայնժամ որ ինչ վճիռ ելցէ, ի ժողովոյս մերմէ,
այնպէս պարտին առնել։ Նաև՝ ի ձեռնադրել բահանայի

ուրուք եթէ քաղաքական իցէ, նոյնպէս ժողովեսցուք առ սրբազան Առաջնորդն և վերահասու լիցուք, եթէ՝ պատկանաւոր իցէ՝ ձեռնադրելն, ըստ վարուցն, ըստ դիտութեանն և ըստ ժառանգաւորութեանն, և մեք լիցուք համաձայն ընդ Առաջնորդացն մերոց: Ապա թէ անպատկանաւոր իցէ, մի տացուք թոյլ՝ ձեռնադրել զայնպիսին, և մի ոք ի մէնջ կարողասցի, յատկապէս և ինքնագլուխ հարցողաց զպատասխան և զճանապարհ իմն տալ մարդահաճութեամբ և կամ կաշառաւ և կամ ծածկաբար, մի՛ իշխեսցէ ոք ի մէնջ յաշագս ապօրինաւորութեան միջնորդ և բարեխօս լինիլ առ Առաջնորդսն, եթէ ոք յանդգնեալ շեղիցէ յայսմ կանոնէ և միաբանութենէ մերմէ, այնպիսին ընդ առժիւք եղիցի, այսինքն ըստ հոգւոյ զրկեսցի ի բահանայական յաստիճանէ իւրմէ. . . . Քահանայն և գործակալքն ևս անկցին ի պատուոցն իւրեանց, և ըստ մարմնոյ Լ . . . սրբոյ Աթոռոցն տացէ և ԺԲ Թուման տուգանս օրհնեալ Արքային: Իսկ ձեռնադրելի բահանայն, եթէ գիւղական իցէ, նոյնպէս մինչև ի գիւղականաց իւրոց և ժողովրդոց իւրոց, զհաւատարիմ վկայկան և զխնդրանաց Թուղթս ոչ ունիցի ի ձեռն և զայն մի՛ ձեռնադրեսցէ Առաջնորդն: Նաև եթէ՝ յայսմանէ օրինապահութենէ մերմէ վնաս ինչ ելցէ, ի տուժան և ի պատիժ, յամենայնի եղիցուք, ի մի կապեալ և հաղորդ իրերաց: Գրեցաւ և կնքեցաւ հաճութեամբ մերով, ի ՌՄՆԳ Թուոյն մերոյ, և ի յունվարի Բ-ին:

Մայրաքաղաքիս Առաջնորդ և նուիրակ Մարտիրոս Արքեպիսկոպոս. հաճեալ ընդ միաբանութեան թղթոյս համաձայնելով հաստատեալ կնքեմ.

Գերահռչակ սրբոյ վանից Հայրապետայ Առաջնորդ Դաւիթ Արքեպիսկոպոս հաճեալ ընդ միաբանութեան թղթոյս համաձայնելով հաստատեալ կնքեմ.

Գնիք—ստորագրութիւնք Զ քահանայից.